


皇朝實錄



冊七

大清世祖體天隆運、睿欽文大德弘功至仁純孝英
章皇帝實錄卷之四

順治元年夏四月戊午朔

削和碩肅親王豪格爵先是固山額真何洛會等
詰告和碩肅親王豪格一肅親王曾謂何洛會及
議政大臣楊善甲喇章京伊成格羅額曰固山額
真譚泰燾章京土賴啟心即索尼向皆附我今伊
等乃率二固山附和碩睿王夫睿親王素善病豈
能終攝政之事能者彼既收用則無能者我當收
揚善曰此皆土賴詭計也得目視其寸磔死亦無

恨肅親王曰尔等食我之恩當為我効力可善伺
動靜楊善對曰我一人抵一人死王豈不晏然處
伊成格對曰自應一人抵一人也肅親王謂何洛
會及固山額真俄莫克圖曰和碩睿親王將五牛
韋給与碩塞阿格其意何居何洛會對曰此正為
國効力以垂名于萬世也王不悅遂拂然而退以
此俄莫克圖云王曾有是言何洛會所供皆寔一
肅親王曾謂何洛會俄莫克圖楊善曰我未經出
痘此番出征令我同往豈非特欲致我於死乎我
欲詣攝政二王言之何洛會對曰死生天命也大

兵將發原為國報効不應往問俄莫克圖對曰我
等業以為不可即往問亦以為不可也以此訊俄
莫克圖云俱寔一肅親王曾謂何洛會俄莫克圖
楊善曰和碩親王非福人乃有疾人也其壽幾何
乃能終其事乎尔時以異姓之人主國事可乎多
羅豫郡王曾謂我云和碩鄭王初欲立尔為君力
主此謀固是性柔之人不能勝衆我亦曾勸令勿
立由今思之殆失計矣今願出力効死于前其為
我言如此至于塔瞻公乃我母姨之子固尔格公
素与我善此輩豈忘我乎以此訊俄莫克圖俱寔

一肅親王曾謂俄莫克高曰我豈似彼有病之人
尔何為注我視我、豈不能裂若革之頸而殺之
乎以此說俄莫克高言王素不以此等之言加我
想別有所指而云然也此言誠有之一肅親王曾
召甲喇章京碩克謂之曰尔与固山額泰即舅也
尔可說令附我前曾給蝦穆成格妻豈非我用情
之處乎碩克辭不往于是何洛會偕碩克胡式凌
高鳴木高開禪碩格達古等回力諫不從恐其亂
政特許告于和碩睿親王和碩鄭親王諸王貝勒
貝子公及內大臣會鞠俱寔遂幽和碩肅親王未

幾以為幽之固宜但彼通端不可悉教姑置不究
遂釋之奪所屬七牛录入員罰銀五千兩廢為庶
人俄莫克高楊善伊成格坐附王高亂不行出首
棄市羅碩以亂法誦諛曾有禁不許近王後復往
來王所私相計議亦棄市場善羅碩蠹章京土賴
為國効力致成仇隙乃籍其家產給与土賴固山
額真何洛會能矢忠義奉祭伊主悖亂籍俄莫克
高伊成格家產給之安泰將碩羅往來王所從寔
供出鞭一百夏塞于安泰寔供後亦從羅碩往來
是寔鞭一百籍其家產之半給与碩克以譚泰

土賴尼堪為國盡忠反為惡所仇怨乃集衆於萬
殿宣示之各賞以全付玲瓏鞍轡馬一匹銀二
百兩以正藍旗滿洲固山梅勒章京寬羅巴
哈納為蒙古固山額真甲喇章京富喇克克塔管
滿洲固山梅勒章京事

己未

朝鮮國王李侖表謝遣世子躐省恩附貢方物宴
賚如例晉封多羅饒餘貝勒阿巴泰為多羅饒
餘郡王增錄其軍功於冊曰後圍困錦州城第一
年殺敗奪紅衣炮洪軍門騎兵時爾率所部殺敗

對陣敵兵又殺敗洪軍門三營步兵時鑲紅旗正藍
旗抵敵二營中間仍有排立馬步兵一營爾率所部
殺敗之又過北京徃征山東時命爾為總統大兵之
主爾遵旨奉行且多取城池多殺兵馬目有功封爾
為多羅饒餘郡王命故輔國公蒞右子尚善襲爵

辛酉

大學士范文程上攝政王啟曰迺者有明流氛踞
于西土水陸諸寇環於南服兵民煽亂於北陸我
師燹代其東顧四面受敵其君若臣安能相保耶
願雖天數使然良由我

先皇帝憂勤肇造諸王大臣祇承

先帝成業夾輔

冲主忠孝格于蒼穹

上帝潛為啟佑此正欲攝政諸王建功立業之會也
竊唯成丕業以垂休萬禩者此時失機會而貽悔
將來者亦此時何以言之中原百姓蹙罹喪亂荼
苦已極黔首無依思擇令主以爲樂業雖間有一
二嬰城負固者不過自爲身家計非爲君効死也
是則明之受病種、已不可治河北一帶空局他
人其土地人民不患不得患得而不爲我有也蓋

明之勁敵吾國與流寇也正如秦失其鹿楚漢逐
之雖與明爭天下實與流寇角也爲今日計我當
任賢以抚衆使近悅遠來蠢茲流孽亦將進而臣
局于我彼明之君知我規抚非復往昔言歸于好
亦未可知倘不此之務是徒勞我國之力反爲流
寇駭民也夫舉已成之局而置之後乃與流寇爭
非長策矣曩者棄遵化屠永平西番入而返彼地
官民必以我爲無大志惟金帛子女是尚縱然婦
附勢不肯面回懷携貳蓋有之矣然而有已服者
有未服宜抚者是當申戾紀律秋豪勿犯復宣諭

以昔日不守內地之由及今進取中原之意而官
仍其戕民復其業錄厥賢能恤厥無告將見密迩
者綏輯逖聽者風声自翕然而向順矣夫如是則
大河以北可傳檄而定也河北一定可令各城官
吏移其妻子避患于我軍因以為質又拔其德譽
素著者置之班俾各朝夕獻納以資輔翼王于衆
論中擇善酌行則聞見可廣而政事有時措之宜
矣此行或直趨燕京或相機攻取要當于入邊之
後山海長城以西擇一堅城頓兵而守以為門戶
我師往來其為甚便唯攝政王察之

壬戌

加授固山額真兼牛录章京何洛會為一等甲喇
章京以訐告和碩肅親王蒙故格也

甲子

以出師祭告

太祖武皇帝

大行皇帝

太祖祝文曰去年九月中和碩鄭親王濟爾哈朗統
兵征明以紅衣砲攻克中後所前屯衛二城山海
關附近中前所人皆棄城走今年三月中明寧遠

沙後所二城人亦棄城走山海關外地方盡為我
有此皆我

皇祖太祖武皇帝素志用是昭告上慰

神靈今又命攝政和碩睿親王多尔袞代耿躬統
大軍前往伐明伏冀

皇祖在天之靈俯賜默佑

大行皇帝祝文同前

朝鮮世子李倅以首親還朝

謝恩並貢方物

乙丑

上御薦恭殿賜攝政和碩睿親王多尔袞大軍將勅

印勅曰我

皇祖肇造之基

皇考底定弘業重大之事付于耿躬今蒙古朝鮮俱
已隸服漢人城郭土地雖漸攻克猶多抗拒念此
爭天下于馬上時征討之業所關甚重朕年幼冲
未能親履我行特命尔攝政和碩睿親王多尔袞
代統大軍用加殊礼錫以御用纛蓋等物及奉命
大將軍印往定中原一切賞罰俱便宜從事至攻
取方畧尔王欽承

皇考聖訓諒已素曉其諸王貝勒貝子公大臣等事

大將軍當如事朕同心協力以爲進取庶

祖

考英靈爲之欣慰矣尚其欽哉王受印勅行三跪九叩頭禮賜王黃傘一纛一黑狐帽貂袍貂褂貂坐褥涼帽蟒袍蟒褂蟒坐褥仍賜從征諸王貝勒貝子公等衣服鞍馬有差

丙寅 月祭

大行皇帝 是日攝政和碩睿親王多爾袞同多羅豫郡王多鐸多羅武英郡王阿濟格恭順王孔有德懷順王耿仲明智順王尚可喜多羅貝勒羅洛

宏固山貝子尼堪博洽輔國公滿達海吞齊哈博和託何託續順公沈志祥朝鮮世子李滄暨八旗固山額真梅勒章京詣

堂子奏樂行三跪九叩頭禮又陳列八纛向

天行一跪三叩頭禮畢統領滿兵蒙古共三之一及烏真超哈恭順等三王續順公兵鳴砲啟行

戊辰

諭朝鮮國王李棕曰東邊危爾喀人民在爾境未經察解者

皇考念在爾朝鮮與在我國無異又欲停其察解今

朕重建

皇考聖意其察解人民永行停止聞尔陪臣沈啟元謀為不軌王已殲其党羽是

上天仁愛式靖礼階朕深為驚喜恐有餘孽誅之未盡後將復斧宜急行搜剪以弭後患又諭之曰我皇考寬溫仁聖皇帝曾降明旨以李明漢李敬輿許啟閔聖徽李景奭朴璜曹漢英申得淵等俱係罪廢不許復錄今尔違旨復用李敬輿入訖政府克謝恩使及究其故知目肆赦錄用其同時罪廢者亦俱復錄重用詔內並無李敬輿等復用之款尔

輒悖旨厥罪寔大朕仰承

皇考眷顧尔国至意姑置不問李敬輿不令回國番置世子李滢所其李明漢閔聖徽李景奭朴璜曹漢英申得淵等均宜罷黜如復悖朕命恐非得計也

己巳

調正藍旗蒙古固山額真覺羅巴哈納為滿洲固山額真陞滿洲固山梅勒章京富喇克塔為蒙古固山額真以正黃旗滿洲固山湯古哈鑲白旗烏真超哈固山孫有光正藍旗滿洲固山吳巴海

俱嘗甲喇章京事 以正紅旗滿洲固山噶達渾
正藍旗滿洲固山席賴俱為擺牙喇甲喇章京
以管梅勒章京事祖隆遠為禮部侍郎 以王登
雲為禮部理事官扈習納為兵部理事官

庚午

攝政和碩睿親王師次遼河以軍事諮洪承疇承
疇上啓曰我兵之強天下無敵將帥全心步伐整
肅流寇可一戰而除宇內可計日而定矣今宜先
遣官宣布王令示以此行特掃除逆亂期于滅賊
有抗拒者必加誅戮不屠人民不焚廬舍不掠財

物之意仍布告各府州縣有開門踈降者官則加
陞軍民則秋毫無犯若抗拒不服者城下之日必
殺其官軍全其百姓有首倡內應能立大功者則
破格封賞法在必行此要務也况流寇初起時遇
弱則戰逢強則遁今得京城財足志驕已無固志
一聞兵信必焚其宮殿府庫遁而西行賊之驟馬
不下三四十萬晝夜兼程可二三百里及我兵抵
京賊已遠去財物悉空逆惡不得除士卒無所獲
亦大可惜也今宜計道里限以時日輜重在後精
兵在前出其不意從薊州密雲近京之處疾行而

前賊走則即行追勦倘仍坐扼京城以拒我則我之便易如此庶逆賊撲滅而神人之怒可回更收其財畜以賞士卒殊有益也初明之守邊者兵弱馬疲就可輕入今恐賊遣精銳伏于山谷狹處以步兵挾路我兵皆馬不能履險宜于馬兵內道作步兵從高處覘其埋伏俾步兵在前馬兵在後比及入邊則步兵皆馬兵也孰能禦之若沿邊仍復空虛則接踵而進不勞餘力抵京之日我兵連營城外偵探勿絕庶可斷陝西宣府大同真保諸路以備來攻則馬首所至而成功矣流寇十餘年來

用兵已久雖不能與大軍相拒亦未可以昔日漢兵輕視之

壬申

攝政和碩睿親王師次翁後明平西伯吳三桂遣副將楊坤遊擊郭雲龍自山海來致書曰三桂初蒙我先帝拔擢以蚊負之身荷遼東總兵重任王之威望素所深慕但春秋之義交不越境是以未敢通名人臣之誼諒王亦知之今我國以寧遠右偏之孤立之故令三桂棄寧遠而鎮山海思欲堅守東陲而鞏固京師也不意流寇逞天犯闕以彼

狗偷烏合之衆其何能成但京城人心不固奸党
開門納款先帝不幸九廟灰燼今賊首僭稱尊號
擄掠女婦財物罪惡已極誠赤眉綠林黃巢祿山
之流天人共憤衆心已散其敗可立而待也我國
積德累仁謳思未泯各省宗室如光武文公之中
興者容或有之遠近已起義兵羽檄交馳山左江
北密如星布三桂受國厚恩憫斯民之罹難拒守
邊門欲與師問罪以慰人心奈京東地小兵力未
集將泣血求助我國與北朝通好二百餘年今無
故而遭國難北朝應惻然念之而亂臣賊子亦非

北朝所宜容也夫除暴剪惡大順也拯危扶顛大
義也出民水火大仁也與滅繼絕大名也取威定
霸大功也况流寇所聚金帛子女不可勝數義兵
一至皆為所有此人利王以蓋去英雄值此摧
枯拉朽之會誠難再得之時也乞念亡國孤臣忠
義之言速選精兵直入中中恊西恊三桂自率所
部合兵以抵都門滅流寇于宮闈示大義于中國
則我國之報北朝者豈但財帛將裂以酬不敢食
言本宜上疏于北朝

皇帝但未悉北朝之禮未敢輕瀆

聖聰乞王轉奏王得書即遣李士詹霸來衮往錦州
諭烏真超哈令贖紅衣砲向山海關進發

癸酉

攝政和碩睿親王師次西拉塔拉報吳三桂書曰
向欲與明修好各處致書明國君臣不計國家喪
亂軍民死亡曾無一言相答是以我國二次進兵
攻掠蓋示無意于明國官吏軍民欲明國之君勢
屈而通好也若今日則不復出此惟有底定國家
與民休息而已予聞流寇覆滅崇禎帝不勝髮指
用是率仁義之師沉舟破釜誓不返旌期必滅賊

出民水火及伯遣使致書深為可害遂統兵而進
夫伯思報主恩與流賊不共戴天誠忠臣之義也
伯雖向守遼東與我為敵今亦勿目前故尚復懷
疑昔管仲射桓公中鉤後桓公用為仲父以成霸
業今伯若率眾來降必封以故土晉為藩王一則
國仇得報二則身家可保世世子孫常享富貴如
山河之永也

丁丑

攝政和碩睿親王師次連山吳三桂復遣郭雲龍
孫文煥來致書曰接王來書知大軍已至寧遠救

民伐暴扶弱除強義聲震天地其所以相助者實
為吾先帝而三桂之感泣猶其小也三桂承王諭
即發精銳于山海以西要處誘賊速來今賊親率
黨羽螳聚永平一帶此乃自投陷阱而天意從可
知矣今三桂已悉簡精銳以為相機剿滅幸王速
整虎旅直入山海首尾夾攻逆賊可擒京之東西
可傳檄而定也又仁義之師首重安民所發檄文
最為戾切更祈令大軍秋毫無犯則民心服而財
土亦得何事不成哉王得書即星夜進發踰寧遠
次于沙河

戊寅

師距山海關十里外吳三桂哨騎來報賊已出邊
立營隨命諸王等各率精騎兵逆擊遇賊唐通馬
兵數百我噶布什賢兵敗之生擒二人還

己卯

師次山海關吳三桂率眾出迎王大喜設儀仗吹
螺同三桂向

天行礼畢三桂率所屬各官謁王：謂三桂甫回可
令尔兵各以白布繫肩為號不然同係漢人何以
為辨恐致誤殺語畢令之先行遂入關時賊首李

自成率馬步兵二十餘萬自北山橫亘至海列陣以待是山大軍揚塵咫尺莫辨我兵對賊布陣不能橫列及海攝政和碩睿親王集諸王貝勒貝子公及諸大臣謂曰尔等勿得越伍躁進此兵不可輕擊須各努力破此則大業成矣我兵所向海對賊陣尾鱗布列吳三桂兵久列右翼之末蹠令畢諸軍齊列及二次吶喊進兵風隨止各對陣奮攻大敗賊衆追殺至四十里賊首尾不相顧遁走北京獲駝馬緞帛無筭俱給賞隨征將士是日進吳三桂爵為平西王賜玉帶蟒袍貂裘鞍馬玲瓏

撒袋弓矢等物令山海城內軍人各薙髮以馬步兵一萬隸平西王隨俱入睿親王直趨北京追殺流賊又與諸將誓約隨諭衆曰此番出師原欲滅流寇定天下非如從前擄掠若入漢境勿殺無辜勿掠財物勿焚廬舍不如約者罪之仍曉諭官民示以取殘不殺共享太平之意諭下凡百姓逃竄山谷者莫不大悅各還鄉里薙髮迎降鱗次布列

庚辰

誅賊使王亮則初賊首李自成遣則亮招降吳三桂三桂羈囚之至是送于王、斬之則亮山西人

明密雲巡撫降賊：授為兵政府尚書

辛巳

兵次新河驛攝政和碩睿親王多爾袞以進山海關敗賊兵搜音上聞言臣統大軍前進明總兵官吳三桂遣使來言賊首李自成已陷北京崇禎帝后俱自經自成于三月二十二日僭稱帝國號大順改元永昌遣人招降三桂三桂不從隨自永平返據山海關啟來投順我國為崇禎帝報仇因諭其使如果來誅即裂地封王仍令賫書去後臣即星夜前往于四月二十一日抵山海關值賊首李

自成親率馬步兵二十餘萬挾崇禎帝太子第二子定王第四子及宗室晉王秦王漢王郡王等併三桂父襄與俱來遣人復招三桂降三桂不從隨圍山海關是晚即敗總兵官唐通馬步兵數百於一片石斬百餘人賊兵逐遁次日我大軍值薄山海關三桂開門迎降我軍遂從南水門北水門關中門入望見賊渠領衆自北山橫亘至海州陣是日大風揚塵咫尺不見我兵對賊布陣不能橫列及海臣隨集諸王貝勒貝子公固山額真蠶童京等謂爾等毋得越伍躁進此兵不可輕敵須各

努力破此則大業可成我軍可向海對賊陣尾鱗
次布列三桂兵可久列右翼之末各號令畢于是
我軍齊列及二次吶喊進兵風遂止各對陣奮攻
大敗賊兵追殺至四十里陣獲晉王朱審煊獲駝
馬無算此皆仰藉

上天眷佑及

朝廷洪福所致臣隨統大兵與吳三桂等直擣北京
矣

壬午

師次撫寧縣知縣侯益光等率民出迎賜袍服令

仍供賤穀倉粟賑民

癸未

師次昌黎縣知縣徐可大率民出迎賜袍服戒諭
之仍令供賤

甲申

師次灤州學正孫維寧率眾迎降遂擢為知州戒
諭之令發倉粟賑民沿邊各官來降以行人李在
為永平道付將張邦謨遊擊唐志道等俱令照旧
管事各賜袍服

乙酉

師次開平衛指揮陳任重李培元等率衆來降各
賜袍服移檄沿邊及山陝等處李賊敗衄勢必
西遁當于各處截殺勿令入城

丙戌

師次玉田縣經歷張彥主簿王家春等守倫盧文
宇等率衆迎降以家春為豐潤縣知縣各賜袍服
有差

丁亥

師次公羅店薊州監軍道李永昌豐潤縣付將趙
國祚遵化間任總兵唐鈺付將尤可望守倫陳良

謨黃家順卜大式千總文三元等率衆來降有
材官常義吳有才唐有功者自通州來降言賊已
而遁隨令諸王貝勒貝子公等率兵急追之

大清世祖睿天隆運英睿欽文大德弘功至仁純孝
章皇帝實錄卷之五

順治元年五月戊子朔

以破流賊李自成授音宣示朝鮮及外藩蒙古諸
王貝勒攝政和碩睿親王多尔袞師次通州知
州率百姓迎降諭令雜髮

已丑

師次燕京故明文武官員出迎五里外攝政和碩
睿親王進朝陽門老幼焚香迎跪內監以故明鹵
簿泐輦陳皇城外跪迎跪左啟王乘輦王曰予法

周公輔

冲主不當乘輦衆叩頭曰周公曾負宸攝政事今宜乘輦王曰予來定天下不可不從衆意遂令將鹵簿向宮門陳設王儀仗前列奏樂奉拜天行三跪九叩頭禮畢乘輦入武英殿陞座故明衆官皆拜伏呼萬歲王下令諸將士乘城廝養人等聚不許入百姓安堵秋毫無犯

唐寅

大學士苑文程等啟攝政和碩睿親王多尔袞言燕京百姓假託搜捕賊孽首告紛、恐滋机害等

弊王嘉其言下令禁止攝政和碩睿親王諭兵部曰今奉朝定鼎燕京天下罹難軍民宜行傳諭出之水火而安全之各處城堡着遣人持檄招撫檄文到日雜髮歸順者地方官各陞一級軍民免其迁徙其為首文武官員即將錢糧冊籍兵馬數目親費來京朝見雖有稱歸順而不雜髮者是有狐疑規望之意宜酌地方遠近定為限期如過限不至顯局抗拒定行問罪發兵征勦至朱姓諸王驟順者亦不奪其王爵仍加恩券又諭故明內冰官民人等曰各衙門官員俱始舊錄用可速報

朕名來如虛飾假冒者罪之避賊回籍隱居山林者亦具以聞仍以原官錄用其丁願從軍愿誅農者許該管官送至兵部久別番遣凡投誠官吏軍民俱着薙髮衣冠悉遵本朝制度各官宜痛改故明陋習共砥忠廉勿後民自利我朝臣工不納賄不徇私不修怨有犯此苛罪者必置重典凡新服官民人等如蹈此苛罪犯定治以國法不貸

辛亥

攝政和碩睿親王諭議明官員耆老兵民曰流寇李自成原係故明百姓糾集醜類弑主暴屍括取

諸王公主駙馬官民財物酷刑肆虐誠天人共憤法不容誅者我雖敵國浚用憫傷今令官民人等為崇禎帝服三日以展輿情着禮部太常寺以帝禮葬之除服後官民俱着遵制薙髮諭下官民大悅皆頌我

朝仁義聲施萬代云

壬辰

碩塞阿格娶擺牙喇甲喇章京費揚古女令內大臣以下牛录章京以上偕往赴宴 征黑龍江等處梅勒章京鄂羅塞臣巴都里甲喇章京沙尔祐

達奇凱旋遣侍郎明安達禮奇往迎宴勞之 攝
政和碩睿親王以三河縣民為亂諭令縣官加意
防緝仍曉諭亂民曰昔流寇猖獗肆虐民人我朝
興仁義之師大興撻伐出斯民于水火所在安居
獨聞三河縣無知奸民乘机竊發謀害邑令法宜
剪除但念爾等皆吾赤子不悉加兵以故先行馳
諭其速改前非遵制雞髮各安生業倘仍怙惡定
行征勦 故明總兵官高第率所部將領自山海
關付將高中選自薊鎮都司文斌陳尚禮推官袁
宗正自遵化詣攝政和碩睿親王軍前降賜第蟒

衣各賜有差 賜總兵官唐珏蟒衣付將趙國祚
尤可望緞衣各一

癸巳

攝政和碩睿親王令在京內閣六部都察院等衙
門官員俱以原官同滿官一体辦事 昌平州賊
作亂遣固山額真巴彥石廷柱等統兵勦之 正
黃旗黏翰牛采下三人屠民家犬主拒之被射
訟其事攝政和碩睿親王令斬射者餘各鞭一百
貫耳鼻因下令凡強取民間一切細物者鞭八十
貫耳鼻

乙未

多羅武英郡王阿濟格等追擊流賊于慶都縣大獲其輜重

丙申 月祭

大行皇帝

丁酉

紅西口賊作亂遣固山額真墨勒根蝦劉之源統兵勤之

戊戌

攝政和碩睿親王諭故明官員軍民人等曰明

李矯淫壞法人心瓦解以致流寇乘機肆虐我

朝深用憫惻爰與仁義之師滅尔仇讐出尔水火綏

安都城屯姓疎心近聞土寇蜂起烏合倡亂念尔

等俱吾赤子不惡即加兵革已往者姑從寬宥諭

到俱即薙髮改行安業毋怙前非倘有故違即行

誅勦

己亥

攝政和碩睿親王多尔袞奏報底定燕京擅音言

臣統大軍前往燕京自山海以西各城塚文武官

吏皆奉表迎降四月二十六日流賊李自成盡括

金銀幣帛載發長安三十日自成慈燬宮闕遁走
臣隨蕞內外藩王貝勒貝子公固山額真蠶章京
等將帥追擊臣親餘兵於五月初二日抵燕京
城文武官吏耆老士庶悉出城迎降以已時入城
都察院叅政祖可法張存仁言今王代天行仁
澤及萬姓內外惟昨戡定之速莫逾于此竊以削
平禍亂肇成大業所當急者教寧不可或緩蓋京
都為天下之根本兆民所觀望而取則者也京師
理則天下不煩捷伐而近悅遠來悉從恐後矣然
致治亦無異術在于得人而已臣等所慮者吏兵

二部任事不寔仍蹈僕習互相推委任用非人貽
悞非小今地廣人繁非一人所能理安內攘外非
一才所能任宜將內院通達治理之人暫攝吏兵
二部事務至於山東乃糧運之道山西乃商賈之
途急宜招抚若二省兵民驟我版圖則財源從此
出矣啟入攝政和碩睿親王報曰爾等言是但內
院机務殷繁不便令其署理部務遣固山額真
金礪梅勒章京李率太安抚津等處亂民諸王
貝勒等追賊還京遣大學士范文程迎勞之王等
入城謁攝政和碩睿親王行三跪九叩頭禮

辛丑

攝政和碩睿親王以書徵故明大學士馮銓：聞命即至王賜以所服衣冠並鞍馬銀帛賜投誠總兵官孔希貴蟒衣一襲付將唐銓等十四人各緞二疋令往三河縣勦滅土寇

壬寅

上以燕京底定率攝政和碩鄭親王濟爾哈朗暨諸王貝勒羣臣向

天行三跪九叩頭禮畢御殿諸王貝勒貝子羣臣行慶賀禮

癸卯

以底定燕京授音宣示朝鮮及外藩蒙古諸王貝勒

甲辰

以

山陵寢殿內寶座告成祭大行皇帝攝政和碩睿親王設防守燕京內外城門官兵戾禁士卒搶奪以故明巡撫宣府都察院右僉都御史李鑑仍為原官

乙巳

命學士詹霸蝦巴太賚勅諭勞大將軍攝政和碩

睿親王多尔袞諭曰朕聞王招降山海關總兵吳三桂大敗流賊自山海至燕京沿路城堡踈順及燕京官民迎降捷音不勝忻悅此皆王運籌有方諸臣協心戮力之所致也 以故明天津付將委光先為總兵官招撫各城稽覈天津糧儲諸務保定副將王應登等陳七事一立經紀二任賢良三靖遺寇四申招抚五和兵民六重農務七懲貪婪攝政和碩睿親王是其言 攝政和碩睿親王下令禁民間隱匿宮女及無主財物女子犯者籍其家

丁未

以多羅饒餘郡王阿巴太越次与和碩鄭親王並坐下所司訊罪擬罰兩個土黑勒威勒奏入從寬免之

己酉

宣府巡抚李鑑捕斬偽權將軍黃應選偽防禦使李胤桂等十五人以祭明崇禎帝並上安抚机宜攝政和碩睿親王令鑑加意招集防守 葬明崇禎帝后及妃袁氏兩公主並天啟后張氏萬曆妃劉氏仍造陵墓 應罷恭順侯吳惟華請招抚宣

大山西自劾攝政和碩睿親王許之 故明東原
王長子朱弘榑等奉表歸誠

庚戌

攝政和碩睿親王多尔袞奏言諸王大臣等統兵
追勦流斂于慶都大破其衆固山額真譚太準塔囊
章京德爾德赫哈寧哈等率噶布什賢兵追至真定
又破之賊赫韜重倉皇敗走燕京迤北居庸關內
外各城及天津真定等處俱降

辛亥

攝政和碩睿親王諭諸王羣臣曰今荷

天祐底定中原宜各殫忠誠永保富貴有貪婪不檢
自蹈罪愆者雖有功不叙毋得苟且一時以失子
孫久遠之計也 又諭兵部曰我國建都燕京天
下軍民之罹難如在水火之中務期傳檄救之其
各府州縣但馳文招撫文到之日即行蹂順者城
內官員各陞一級軍民各仍其業永無遷徙之勞
予前因蹂順之民無所分別故欲其剃頭以示標
異今聞甚拂民愿反非予以文教定民之本心矣
自此以後天下臣民始舊束髮悉從其便然予之
不欲以兵甲相加者恐被兵之處民必不堪或死

或逃失其天理故耳今特遣官傳諭凡各府州縣
軍衛衙門來踈順者其牧民之主統軍之帥彙造
戶口兵丁錢糧教目親來朝見若運命不到當與
師問罪而誅之其朱氏諸王有來歸者當始旧恩
養不加改削山澤遺賢許所在官司從實報名當
遣人徵聘委以重任至于明朝之破壞俱由貪之
一字德不稱任功罪不明所致自茲以後凡我臣
民俱宜改弦易轍各竭清忠此不特富貴一時功
名且奕世矣

壬子

以故明真定府知府邱茂華為井陘道署巡抚事
以故明山東布政使司叅議兼按察司僉事霸
州道劉芳久布政使司叅議天津道孫肇興按察
司僉事通州道鄭輝按察司付使懷陰道魏知微
山西按察司僉事昌平道孟良亂按察司僉事易
州道黃國安俱仍為原官 以故明井陘道方大
猷為監軍付使招抚山東

甲寅

攝政和碩睿親王入式英殿陞御殿設故明鹵簿
鳴鐘鼓奏樂大學士馮銓應龍恭順侯吳惟華

率文武羣臣上表稱賀王退朝謂衆臣曰予見
尔等有过即誠筭乃予自攝政以來并未聞尔等
一言規諫豈所行盡合于道耶衆曰王所行並無
可議倘有未安寧肯誠黜王曰尔等此言殊謬雖
聖主行政亦不能尽善故諫諍時聞並無可議之
說慎勿復尔：等皆

光帝効力之臣以後遇有未當者應抗願陳說予亦
于尔等有賴 以授誠摠兵官劉芳名為柳備摠
兵官

六月丁巳朔

以正藍旗滿洲固山薩齊庫管甲喇章京事 以
巴尔珠為兵部理事官 以鄂羅塞臣沙尔席達
等征黑龍江等處所獲男女一千九百五十六名
久隸旗其貂狐水獺裘衣等物分給出征有功官
兵 以洪承疇仍以太子太保兵部尚書兼都察
院右付都御史同內院官佐理机務

戊午

大學士馮銓洪承疇啟言國家要務莫大于用人
行政臣等備員內院凡事皆當与聞今各部題奏
俱未悉知所票行者不遇官民奏聞之事而已夫

內院不得與聞况六科乎倘有乖誤臣等憑何指
陳六科馮何恭請舊例凡文武官民條奏并各部
院覆奏本章俱下內閣票擬已紅批紅者仍由內
閣分下六科抄咨各部院所以防微杜漸意至深
遠以後用人行政要務乞咨內院擬票奏請裁定
攝政和碩睿親王是其言

己未

初多羅饒餘郡王阿巴太以女嫁色冷之子色尔
古倫五載不睦及色冷色尔古倫往訴于王乃
使人謂之曰勿得犯吾女坐是論奪王爵疏上免

奪王爵罰銀一千兩 以詹事府少詹事兼翰林
侍讀學士何瑞徵為禮部右侍郎翰林院檢討李
若琳為左春坊左庶子兼翰林院侍讀署詹事府
事 令故明太子太傅左都督駱養性仍以原官
總督天津等處軍務

庚申

令戶部右侍郎王鰲永招抚山東河南 以按誠
總兵官高第為山海總兵官 河南道御史曹溶
啟陳六事一定官制一議國用一戢兵丁一散土
寇一廣漢糴一通煤運下所司知之

壬戌

大同總兵官姜瓖啓言臣世受明恩誓為恢復近者殺賊首柯天相等既定大同等處恐無主生亂因以臣境內東強王朱鼎誦續先帝之祀遠接告諭開載前朝諸王仍始舊爵衆心悅服大同兵荒相繼逃散流離向雖禁止一經頒示宣布德意無不感戴今嵩官馳報攝政和碩睿王親報曰既定大同陽和等處誅戮賊首厥功甚懋但設委東強王以國政使續先帝祀事大不合理不特東強王先在明時係何等級仍當照旧即明之嫡系將軍

亦宜始旧不許一切干預國政軍務致違我法其地方流離應作何抚綏姜瓖仍詳議以聞

癸亥

以故明巡抚劉漢儒為都察院右付都御史 陞
太常寺少卿提喬為刑部右侍郎光祿寺少卿李
元鼎為太僕寺少卿 以行人司行人向玉軒為
吏科給事中郝傑為戶科給事中知縣孟明輔為
禮科給事中朱鼎箴為工科給事中

甲子

故明宗室朱師欽具啟攝政和碩睿親王授誠王

嘉其知命來踈諭以地方安妥入朝復用 戶科
右給事中劉昌啟十事一立規模一審廟筭一推
誠心一集羣策一施宴惠一定經賦一定官制一
頒俸祿一明苛威一重守令攝政和碩睿親王是
其言

乙亥 月祭

大行皇帝 攝政和碩睿親王諭各衙門應責人犯
悉從本朝鞭責旧制不許用杖 以故明山西按
察司僉事定州道李固本仍為原官

丙寅

攝政和碩睿親王諭京城內官民房屋被圈者皆
免三年賦稅其中有与被圈房屋之人同居者亦
免一羊大兵經過之處田地被傷者免今年田賦
之半河北各府州縣免三分之一 遣固山額真
覺羅巴哈納石廷柱率官兵平定山東一帶地方

丁卯

攝政和碩睿親王多爾袞與諸王貝勒大臣定議
應建都燕京遣輔國公吞齊哈和託固山額真何
洛會等賞奏迎

駕奏言仰荷

天休及

皇上洪福已克燕京臣再三思維燕京勢踞形勝乃自古具王之地有明建都之所今既蒙

天畀

皇上遷都於此以定天下則四方朝宗無不通達誠便計也倘不都此地恐失天下仰望之心惟

皇上熟審之 招抚山西應襲恭順侯吳惟華啓言故明督理漕運總兵官抚寧侯朱國弼見在淮陽宜遣其部將張國光諭令來蹕攝政和碩睿親王是其言以書招諭之

庚午 酉刻太白見有白氣自西南至東北遣固山額真葉臣率官兵平定山西一帶地方陞戶科右給事中劉昌為太常寺少卿

辛未

以故明臨清付將王國棟署臨清總兵官事以有擒斬偽將功也

壬申

陞刑部郎中陳鵬奉為山東按察司僉事河間道真定府同知程紹孔為山西按察司僉事宣府口北道 遣官祭

先師孔子 故明叅將唐虞時啓言送賊張獻忠
自江西轉掠江南勢甚猖獗臣惟江南形勝之地
閩浙江廣之地皆視其順逆以為向背今宜乘其
危懼即降令旨賞格臣賚往南京宣諭官民江南
之地可傳檄而定也若慮張獻忠左良玉首眾兩
端則有原任鎮臣陳洪範可以招抚乞即用為招
抚總兵臣男起龍乃洪範婿曾為史可法標下叅
將彼中將領多所親識乞令賚諭往招則近悅遠
來一統之功可成矣下所司知之

癸酉

攝政和碩睿親王諭禮部曰古來定天下必以網
羅人才為要務又以澤及窮民為首焉我國家求
賢之心衆已共曉而京城內流賊蹂躪之後必有
鰥寡孤獨謀生無計及丐乞街市者一一給與錢
糧息養

甲戌

兵部右侍郎金之俊啓言

聖朝之德意方新畿民之望息甚切乞先下蠲租之
詔於直隸以大慰民望下所司速議 攝政和碩
睿親王諭京城內外軍民曰我朝勦寇定亂建都

燕京深念民為邦本凡可以計安生民者無不與大小諸臣實心奉行乃人民經亂離之後驚疑未定傳布訛言最可駭異聞有訛言七八月間東遷者我國家不恃兵力惟務德化行且統馭萬方燕京乃定鼎之地何故不建都于此而又欲東移今大小各官共移取家屬計日可到爾民人豈無確聞恐有奸佞故意煽惑并流賊奸細造作搖惑今應遍加曉令務使知我國家安邦抚民之至意順天巡按柳寅東啓言察吏務清其源安民務定其志吏部掌銓衡統百官吏治之源也若監司守

令各當其職自然政治廉平太平可致近見陞除各官凡前朝犯贓除名流賊偽官一概錄用雖云寬大為治然流品不清奸欺得售非真加選擇其為民害不可勝言是所當亟清其源也民值亂離之後心志徬徨鼎革以來政教未敷蠢然之民不知所守奸惡之輩靡所顧忌蓋聞帝王弼教不糞五刑恐皮鞭不足以威衆明罰乃所以勅法宜速定律令俾民不敢犯而禍亂清矣攝政和碩睿親王報曰經綸方始治理需人凡隸順官員既經推用不必苛求此後官吏犯贓審實立行處斬皮鞭

似寬濶刑准依明律付予刑期無刑之意 柳東
寅又啟言時已屆秋廟堂宜早定大計今日事勢
莫急于西賊欲曷西賊必須調蒙古以入三邊牽
大兵以收晉豫使賊首背受款又須先計扼蜀漢
之路次第定東南之局攝政和碩睿親王是其言
故明三邊總督李化熙遣官上所部兵馬數目
及地土寇情刑具啟歸順攝政和碩睿親王優答
之即令及入朝効用 臧京東南西北四郊塔工
成賜諸喇嘛晏及鞍馬幣帛器四等物有差

丙子

攝政和碩睿親王諭衆官民等曰明之所以傾覆
者內外部院官吏賄賂公行功過不明是非不辨
以致傾覆國祚何則凡用官員有財之人得進無
財之人不得進貧而有才者不用富而不肖者得
用所以賢者皆抱恨隱淪不賢者多寅緣特進夫
賢既不得進國政何由而理不賢用賄得官為官
實心為國甚至無功者以行賄而冒功有官者即
以不行賄而功掩亂政壞國皆始于此罪亦莫大
於此今凡內外官員如畫洗明時貪婪肺腸殫忠
効力則俸祿克給富貴自有如或仍前不悛行賄

營私國法其在必不輕處定行臬示

丁丑

以故一奇梅勒章京查雅翰瞻子巴特瑪二奇甲喇章京趙萬璧子固珍三奇甲喇章京丘固玉子紀從嚴職 陞刑部郎中甘文奎為山西按察使 余事順廣道

戊寅

蝦巴太奇自燕京來復命攝政和碩睿親王多爾袞附表奏謝言臣等恭聞

皇上詔諭不勝懼忭竊思臣等同心戮力擊破流寇

平定燕京宴由

上天眷祐

皇上弘庥所致今更仰仗

天威自大同以西黃河以北盡皆底定燕京以南順

德以北俱已來歸疆圉日擴一統有基矣 宣抚

巡抚李鑑啟言上谷一府在明朝為遠鎮在我

朝為腹裡前定經制兵多而員冗今宜急議裁汰查

得宣鎮原額經制官軍七万六千九百二十九員

名索之紙上則有兵用之戰守則無兵總之前朝

法紀叢弛無核實之法也日來索餉者紛；宜早

定經制扼鎮道協以及各路堡其營馬步兵若干
月餉馬乾及將領月廩若干至于冗員如宣府城
內有萬全都司有管屯都司又有巡捕都司今不
如去都司一官始大同例改為知府而以徵收屯
糧之事踈併于府官則管屯之都司可裁也在城
管糧同知加以緝捕一節則巡捕都司又可裁也
保安延慶兩州大一城既有州官又設守備似
宜去守備而以城守之務歸責正印官料理若永
寧縣距柳溝止二十里而有兩參將尤屬濫冗似
宜去永寧之參將將其責于縣官東路一隅設總

鎮又設兩協某宜番某宜汰尤宜急議懷來一城
內有道有廳又有參將守備亦屬贅疣似宜去參
將而留守備以司城守若援營之兵有名無實不
如簡其精壯者付之守備而以道所為之提挈兵
馬既減錢糧出納有數其旧額設同知通判多員
量加踈并下所司知之 今河南道御史曹溶提
督順天學政

已知

吏科給事中向玉軒啟言土寇未平皆因向來地
方官不能緹輯解散疎煩今日撲剿此該當慎擇

守令俾其弭盜安民且官多俸薄原非旧制宜汰
員以省擾增常祿以養矣至于陞轉銓除具有注
例須詳覈履歷杜絕倖端下所司知之

庚辰

上賜攝政和碩鄭親王濟爾哈朗等蟒緞有差 順
天廸抚宗權献治平三策一請議崇禎庙號以彰
我

朝盛德一禁革加派弊政以蘇民生一廣搜賢才以
佐上理併荐故明薊道總督王永吉監軍道方大
猷薊州道楊毓楫南京礼部尚書朱繼祚戶部侍

郎崇廷柱俱堪擢用攝政和碩睿親王諭廷臣各
奉所知 天津總督賂春性啓荐故明戶部侍郎
党宗雅兵部侍郎李化熙通政使王公弼品望素
著乞賜徵用從之

壬午

上以底定燕京大敗流寇遣官賜諸王貝勒貝子公
及官兵牛羊有差 攝政和碩睿親王以書招故
明總兵陳洪範 平定山西固山額真葉臣啓報
饒餘一踞賊平 修政曆法西洋人湯若望啓言
臣於明崇禎二年来京曾用西洋曆法釐正旧曆

製有測量日月星辰定旨考驗諸器盡進內廷用
以推測屢密合近聞諸器盡遭賊燬臣擬另造進
呈今先將本年八月初一日之食始西洋新法推
步京師所見之食限分秋並起復方位圖象与各
省所見之食有多寡先後不同諸數開列呈覽乞
勅該部屆期公同測驗攝政和碩睿親王諭旧曆
歲久荒謬西洋新法屢之密合知道了這本內日
食分按時刻起復方位併各省直見有多寡先後
不同其見推算詳審俟先期二日來說以便遣官
公同測驗其窺測諸器速造進覽

癸未

鎮國公固山額真艾度札干誓期前日私言二王
迫脅盟誓我但面從心寔不服

主上幼冲我寔不悅今雖竭力從事其誰知之二王
之處亦不合我意每羊發誓予心寔難相從天地
神明其鑒察之遂書其詞于誓期之晨焚之有穆
成格卓佛和欲祭其事向醫者令占何時可首回
其道始末醫者以告艾度札干海達札艾度札遂
赴攝政和碩鄭親王濟爾哈朗處出首下法司鞫
問得寔艾度札夫妻并其子海達理及醫者並棄

市家產及所屬人口俱給與和碩鄭王攝政和碩睿親王遣大學士馮銓祭故明太祖及諸帝文曰茲者流賊李自成顛覆明室國祚已終予駏除逆教定鼎燕都惟明乘一代之運以有天下歷教轉移如四時遞禪非獨有明為然乃天地之定教也至于宗廟之主遷置別所自古以來厥有成例第念曾為一代天下之主罔宜輕褻茲以移置之故遣官祀告遷于別所禁軍民侵擾聖賢祠廟

甲申

以故明太祖神牌入帝王廟

乙酉

未刻至申刻日生左右珥青黃色良文

漸散

草牛采章京李勳黃得功王奎賊以擅于

昌平州收放駝馬故也

牛采章京郭純元坐強

奸民婦棄市

錦衣衛百戶危列宿啟言臣招抚

至天津地方諮訪流寓及在籍官員黨崇雅張瑞

高尔儀戴明說等四十三員招回逃海難民一萬

七千餘名睿親王諭這天津等處流寓及在籍各

官着吏部詳察履歷確覈才能就中堪用的作速

推來即與起用仍移文各抚按凡境內隱跡賢良

逐一啟薦以憑徵召但不許以貪官污吏及賫印

襍流朦朧充教其招回難民着地方官安察撫輯
毋致失所 平定山東固山額真覺羅巴哈羅石
廷柱等啟報霸州滄州德州臨清先後俱下各城
無官者已酌量委署 令內外各衙門印信俱鑄
滿漢二項字樣

卷之五
終

